



Broj: 06-08-5-1468-53/2022  
Sarajevo, 30.09.2022. godine

**SVI OSNOVNI SUDOVI**  
**SVI OPĆINSKI SUDOVI**  
**Osnovni sud Brčko distrikta**

n/r predsjednikâ sudova

**Predmet: Zaključak Stalne komisije za efikasnost i kvalitet sudova u vezi sa izvještavanjem o protoku komunalnih predmeta u 2022. godini, dostavlja se**

Poštovani predsjednici sudova,

Na sjednici Visokog sudskog i tužilačkog vijeća Bosne i Hercegovine (VSTV BiH), održanoj 13. i 14. 04.2022. godine, razmatrana je informacija o protoku predmeta za neplaćene komunalne usluge u sudovima u BiH u 2021. godini, kao i informacija o evidenciji ovih predmeta u sistemima za automatsko upravljanje predmetima (CMS, SOKOP-Mal), u manuelnim upisnicima, odnosno informacija o predmetima koji nisu uvedeni u sudske upisnike.

VSTV BiH je primilo k znanju pomenutu informaciju i usvojilo zaključak da se od svih općinskih i osnovnih sudova, kao i Osnovnog suda Brčko distrikta BiH zatraži da potvrde da nemaju više u radu neriješene predmete za naplatu komunalnih usluga koji su evidentirani van elektronskih upisnika (CMS i SOKOP-mal sistem). U skladu sa navedenim zaključkom skoro svi općinski i svi osnovni sudovi, kao i Osnovni sud Brčko distrikta su dostavili tražene informacije, odnosno potvrdili, da su svi neriješeni predmeti za naplatu komunalnih usluga evidentirani u elektronskim upisnicima.

S obzirom na dosadašnje iskustvo da se u izvještajima sudova pojavljuju nekonzistentnosti na način da se iskaže određeni broj predmeta koji su evidentirani u manuelnim ili nekim drugim upisnicima, a koji predmeti prethodno nisu bili navedeni u izvještajima tih sudova, Stalna komisija za efikasnost i kvalitet sudova je na sastanku održanom 22. i 23.09.2022. godine, donijela zaključak da se od svih općinskih i osnovnih sudova, kao i Osnovnog suda Brčko očekuje da izvještaji o protoku komunalnih predmeta za 2022. godinu budu u skladu sa prethodno dostavljenim izjašnjenjima da nemaju u radu predmeta u manuelnim upisnicima, odnosno da podatak o broju neriješenih predmeta na početku 2022. godine koji se iskazuje u tabeli „Protok predmeta u sudu koji nisu evidentirani u CMS“ treba biti jednak podatku o broju neriješenih predmeta na kraju 2021. godine koji je dostavljen VSTV BiH u Tabeli za izvještavanje o radu suda za 2021. godinu.

Napominjemo, da će, ukoliko, ipak, bude razlika u broju neriješenih komunalnih predmeta na početku 2022. godine u odnosu na kraj prethodne godine, u izvještajnoj „Tabeli I - Protok predmeta u sudu koji nisu evidentirani u CMS“ za 2022. godinu, biti omogućen unos obrazloženja za te razlike.

Molimo da prilikom pripreme izvještaja o radu Vašeg suda za 2022. godinu, postupite u skladu sa navedenim zaključkom Stalne komisije za efikasnost i kvalitet sudova.

S poštovanjem,

  
Predsjedavajući Stalne komisije za  
efikasnost i kvalitet sudova  
MP  
mr. sc. Srdan Forca